

03 September 2026

समे .18:15 Hrs

<><><><><><>

Headlines

- मुख्मन्त्री उमर अब्दुल्ला होरें जेडीए ते एसडीए दे डरैक्टरें दे बोर्ड दियां अज्ज श्रीनगर च बैठकां लाइयां।
- पेट्रोलियम ते कुदरती गैस दे नियमन सरबन्धी बोर्ड - पी.एन.जी.आर.बी. दे इक डेलीगेशनै अपने प्रधान डाक्टर अनिल कुमार जैन हुं'दी अध्यक्षता च अज्ज मुख्मन्त्री उमर अब्दुल्ला हुं'दे'नै मलाटी कीती।
- मुख्मन्त्री सचिव अटल डुल्लु होरें जलमार्गे राहें ट्रांसपोर्ट दी बवस्था शुरू करने सने जम्मू-कश्मीर च पीएम ई-ड्राईव आहली पैहलकदमिएं दा बी जायजा लैता ऐ।
- जम्मू खित्ते च कल जन्माष्टमी दा पावन पर्व धार्मिक जोश ते खुशी कन्नै मनाया जाहगा।
- मौसम विभाग ने औने आहले दिनें दरान जम्मू-कश्मीर च मौसम आमतौर उप्पर खुश्क रौहने दी पेशगोई कीती ऐ। किश थाहें पर गरज-चमक जां हौली बरखा बरने दे बी इमकान न।

<><><><><><>

CM-JDA/SDA BoDs

मुख्मन्त्री उमर अब्दुल्ला होरें अज्ज श्रीनगर च जम्मू विकास प्राधिकरण ते श्रीनगर विकास प्राधिकरण दे डरैक्टरें दे बोर्ड दियां बैठकां लाइयां। एह जेडीए दे डरैक्टरें दे बोर्ड दी 91में-वीं ते एसडीए दी 85मीं बैठक ही। इस दरान मुख्मन्त्री होरें जम्मू ते श्रीनगर शैहरें च योजनाबद्ध ते टिकाऊ शैहरी विकास लेई मुख्मन्त्री पहलकदमिएं दी समीक्षा कीती। इ'नें बैठकें दा मकसद ढांचागत विकास च सुधार करना ते प्रदेश दे दौनें राजधानी आले शैहरें च जीन जीने दे स्तर गी बेहतर बनाना ऐ। इ'नें बैठकें दरान एहदे शा पिछली बैठकें च लैते गेदे फैसलें दी अमल आवरी दा बी जायजा लैता गेआ ते कन्नै शैहरी ढांचे दे विकास कन्नै जुड़े दे केई सारे मामलें पर गौर कीता गेआ।

<><><><><><>

CM-PNGRB-Del

पेट्रोलियम ते कुदरती गैस दे नियमन सरबन्धी बोर्ड.पी.एन.जी.आर.बी दे इक डेलीगेशनै अपने प्रधान डाक्टर अनिल कुमार जैन हुं'दी अध्यक्षता च भारत पेट्रोलियम कार्पोरेशन लिमिटेड दे वरिष्ठ अधिकारें दे कन्नै अज्ज सिविल सैक्रेटेरिएट श्रीनगर च मुख्मन्त्री उमर अब्दुल्ला हुं'दे'नै मलाटी कीती। इस दरान डेलीगेशन दे सदस्यें जम्मू-कश्मीर च तेल ते गैस ढांचे च बाढ़े-विस्तार लेई मुख्मन्त्री हुं'दे'नै कन्नै बक्ख-बक्ख हीलें पर चर्चा कीती।

<><><><><><>

CS-Water Tpt

मुख्य सचिव अटल डुल्लु होरें चिनाब ते झेहलम दरेयाएं च जलमार्गें दे राहें ट्रांसपोर्ट शुरु करने सरबंधी स्थिति दा जायजा लैने दे कन्नो-कन्नी जम्मू-कश्मीर च भारत सरकार दी पीएम ई-ड्राईव योजना तैहत इलेक्ट्रिक गतिशीलता आहली ढांचागत सुविधाएं गी शुरु करने दी प्रक्रिया दी बी समीक्षा कीती। इस दरान मुख्य सचिव होरें इस सरबंधे च लोडचदी ढांचागत सुविधाएं गी सक्षम बनाने सने टर्मिनलें दे निर्माण, बत्त दस्सने आहली नेविगेशन प्रणाली गी चालू करने ते परियोजना च पेश औने आहली रूकावटें गी दूर करने दी जरूरत पर जोर पाया तंाजे तय समें सीमा दे अंदर-अंदर गै पानी राहें ट्रांसपोर्ट दी सुविधा गी चालू कीता जाई सकै। बैठक दरान श्री डुल्लु होरें गी चिनाब, झेहलम ते रावी दरेयाएं दे पन्ध्यान कीते गेदे हिस्से पर जलमार्गें दे राहें ट्रांसपोर्ट सुविधा विकसित करने दे कम्मै च हासल होआ करदी प्रगति दे बारै च बी जानकारी दिती गेई।

<><><><><><>

Traffic Awareness-Poonch

पुंछ जिले च सिडक हादसों च चानचक्क होए दे बादे दे महेनजर ट्रैफिक पुलसै, शिक्षा विभाग दे सहयोग कन्नै अज्ज पुंछ दे कुड़िएं आहले सरकारी हायर सैकेंडरी स्कूल च सिडक सुरक्षा बारै इक जागरूकता कैप दा आयोजन कीता। इस कैप दा मकसद नौजवानें, खासतौर उप्पर विद्यार्थिएं गी, जिम्मेदारी कन्नै सिडक दा इस्तेमाल करने, ट्रैफिक नियमों दी पालमा करने ते सिडक हादसों गी टालने आस्तै कीते जाने आहले एहतियाती उपाएं दे बारै च जानकार बनाना हा। इस मौके उप्पर विद्यार्थिएं-नौजवानें लेई गल्लबात आहले इक जागरूकता सत्र दा बी सरिस्ता कीता गेआ। मती जानकारी देआ'रदे न डीटीआई पुंछ अहमद दिन

<><><><><><>

Janamashtami

जम्मू खित्ते च कल जन्माष्टमी दा पावन पर्व धार्मिक जोश ते खुशी कन्नै मनाया जाह्ग। इस उत्सव लेई जम्मू दे बजारें गी शैल स्नाकडे ढंगै कन्नै सजाया गेदा ऐ ते बजारें च खूब रौनक बी लब्बा करदी ऐ। लोक, इस उत्सव लेई भगवान श्री कृष्ण हुं'दी मूर्तिएं, बस्तर, साज-श्रृंगार दे समेयान, मठेआइयों ते पूजा आस्तै लोडचदे होर दुए समेयान वगैरा दी बडे चाएं-चाएं खरीददारी करा'रदे न। बक्ख-बक्ख जिला प्रशासनें ते पुलसै बी सुरक्षा सने होर बी दुए सब्बै लोडचदे बंदोस्त जकीनी बनाए दे न। तोआई सनातन धर्म सभा किशतवाड़ ने श्रद्धालुएं गी गुजारश कीती ऐ जे ओहू पूरे धार्मिक जोश ते खुशी कन्नै इस पर्व दा जश्न मनान। आकाशवाणी समाचार कन्नै इस सरबंधे च गल्ल करदे होई सनातन धर्म सभा दे इक औहद्वेदार ने गलाया

<><><><><><>

Property-Attached

जम्मू-कश्मीर पुलसै बारामूला जिले च बंदिश आहले आतंकी गुट जमात-ए-इस्लामी कन्नै जुड़ी दिएं केई संपत्तिएं गी अटैच कीता ऐ जिंदे च इक स्कूल बी शामिल ऐ। पुलसै गैर-कनूनी गतिविधिएं दी रोकथाम सरबन्धी कानून तैहत कार्रवाई करदे होई सबने कनूनी औपचारिकताएं गी पूरा करने परैन्त द'उं इमारतें, 6 हट्टिं ते उत्तरी कश्मीर दे सोपोर इलाके च 2 कनाल जिमीं बी अटैच कीती ऐ। सोपोर पुलस थाने च दर्ज इक मामले दी जांच दरान एह सारी संपत्तियां सामने आइयां। बड़ी बरीकी कन्नै कीती गेदी जांच, अधिकारिक ते राजस्व रिकार्डें गी खरी चाल्ली खंगालने ते सरबन्धत अधिकारिं दी तसदीक दे बाद गै इ'नें संपत्तिं ते जमात-ए-इस्लामी दे बश्कार सरबन्धें बारै पता लगगी सकेआ ऐ।

<><><><><><>

Prog. Announcement

आकाशवाणी दा क्षेत्रीय समाचार एकांश जम्मू औंदी 5 सितम्बर गी “राश्ट्री शिक्षक दिवस” दे मौके पर गल्लबात आहला इक बशेश कार्यक्रम प्रसारत करने गी जा'रदा ऐ जेहदे च साढ़े परौहने होइन जम्मू-कश्मीर थमां 2026 ब'रे दे राश्ट्री शिक्षक पुरस्कार हासल करने आहले मोहम्मद अयाज़ रैणा। चर्चा दा विशे रौहग “गुरु -साढ़े असली पथ निर्माता”। 30एं मिन्टें दी अवधि आहला एह कार्यक्रम औंदें शनिवारें 5 सितम्बर गी दपैहरी साढ़े 12 बजे प्रसारत कीता जाहग ते एहदी मेजबानी करइन साढ़े न्यूज एंकर जगमोहन शर्मा। पेश ऐ इस कार्यक्रम दी इक निक्की नेही झलक

<><><><><><>

Cricket Tourney

जिला पुलस पुंछ आसेआ आयोजित शहीद डीएसपी मन्जीत सिंह मेमोरियल टी-20 क्रिकेट प्रतियोगिता दा अज्ज पुंछ आहले खेड्डु स्टेडियम च उद्घाटन होआ। इस टूर्नामेंट च जिले भर थमां कुल 56 टीमां हिस्सा लै'रदिआं न। पुंछ दे एसएसपी शफकत हुसैन भट्ट होरें इस टूर्नामेंट गी औपचारिक तौर उप्पर शुरु करोआया ते इस मौके पर उ'नें खड्डारिं कन्नै गल्लबात करियै उ'दा हौसा बी बधाया। एह टूर्नामेंट, अपनी जिम्मेदारी निभांदे होई सर्वोच्च बलिदान देने आहले जम्मू-कश्मीर पुलस दे शहीदें दी सुच्ची सम्हाला च आयोजित कीती जा'रदी ऐ। मगरा इस सरबन्धें च मीडिया कन्नै गल्ल करदे होई पुंछ दे एसएसपी होरें आखेआ

<><><><><><>

Weather

मौसम विभाग ने औने आहले दिनें दरान जम्मू-कश्मीर च मौसम आमतौर उप्पर खुशक रौहने दी पेशगोई कीती ऐ। उ'आं किश थाहें पर गरज-चमक दे कन्नै किश चिरै लेई बरखा बी बरी सकदी ऐ। विभाग मूजब, कल केईं थाहें पर हौली थमां दरम्याने दर्जे दी बरखा बरने दी मेद ऐ पर किश थाहें पर तेज बरखा बरने दे बी इमकान ना। एहदे अलावा टामीं-टामीं थाहें उप्पर गरज-चमक दे कन्नै 40 शा 50 किलोमीटर फी घैंटे दी रफ्तार कन्नै तेज ब्हां चलने दे बी असार ना। मौसम विभाग ने इस दरान खतरे दी शैंका आहले इलाकें च चानचक्क हाड़ औने ते ल्हास-पस्सियां पौने बारै बी खबरदार कीता ऐ।

<><><><><><>